

毫

餘

詩

話

耄餘詩話自序

余有黃髮集襲徐蘋村先生之名也先生八十後所作詩  
文名曰耄餘殘瀋余精力衰頹草詩話以遣日憶往事追  
舊聞所重師資而於貧交死友尤致意焉獻歲迄今積成  
十卷過此以往未之或知假我數年安敢萌奢望乎

嘉慶十四年歲在屠維大荒駱陽月朔日內樂村叟周春  
書時年八十有一

耄餘詩話卷之一

太夫子天台齊息園宗伯掌教萬松書院余常得晉見公  
自述墜馬額破腦流後蒙古大夫治療之法甚奇而詳世  
傳所讀之書不復記憶此言過也但精神頗衰不能如舊  
耳公為余序中文孝經爾雅補注二書載文集公筆墨酬  
應繁嬾於構思喜集古人詩文成語嘗集蘇題余著書齋  
圖云君方傍海看初日無數雲山供點筆清夢時時到玉  
堂只恐先移北山檄腹有詩書氣自華一篇珠玉是生涯  
給札看君賦雲夢他年應作畫圖誇畫工欲畫無窮意笑  
人空腹談經義若人如馬亦如班故作明窓書小字萬卷

堆胸兀相撐。火急著書千古事。著書要自見窮愁。一處開  
地且相留。青雲豈易量化日。潮連滄海欲東遊。賴有高樓  
能聚遠。城堅不怕秋濤捲。應教斥鹵變桑田。斷嶺不遮西  
望眼。樓前便作海茫茫。富貴在天那得忙。引盃看劍坐生  
光。風吹海濤低復起。鯤鵬水擊三千里。印可聊須答如是。  
松蘿家居無事。箋經注水文旁。及百家著述甚富。先刻六種  
行世。今繪著書齋圖索題。余病無以應。偶集蘇公句為歌。  
以博一粲云。乾隆戊寅仲夏。天台息園居士。  
寶綸堂文鈔八卷。門人無錫秦凌蒼藏所刊。余題詩云。瓊  
臺鍾秀重名賢。滿篋遺文蠹字穿。賴有河汾能入室。表章

欣見棗梨鐫。

集為定并

觀察泰公選

松嶺容巖負笈從鄉音隔

海每相通。

台郡土語

與

菲材幸附青雲末。廖氏名標歐集

中。

宗伯序拙著西

公常預脩經史考證通鑑綱目三編續

文獻通考

大清一統志諸書所著水道提綱三十卷浦江戴殿海所

刊戴權我州學正時早以見贈其餘著述甚多尚藏於家

未能悉梓

丁丑賦公命改稱門人

宗伯具異稟目炯炯能矚一二十里許嘗登杭州之鳳凰

山視隔江西興渡口歷歷可辨又嘗於山頂指雲起處得

奇石皆似古篆籀名曰天然圖章銘之曰郁郁紛紛。今文

古文。我安能辨。隨意所云。如切如琢。若耕若耘。不雕不飾。  
有骨有筋。似書似畫。非烟非雲。燕魚鳥獸。呼類引群。山川  
草木。映日初昕。其有奇字。靈簡典墳。其有異款。鐘鼎及殷。  
不隸三倉。焉識八分。不類史籀。焉問右軍。符象自天。請占  
靈氛。岳形有真。請詢葛君。石紋作印。自昔未聞。鳳凰山麓。  
金牛水濱。童子拾得。我為欣欣。綴橫綺合。疑似絲棼。惟忠  
惟孝。辨當斷斷。豈義能畫。豈秦能焚。結繩以前。體亦無根。  
染朱成譜。元氣氤氲。象形會意。滿目錦雯。摩挲几上。聊樂  
我員。匪我克勤。化工之歎。

乾隆丁卯二月余年十九同先兄玉井先生受業於長洲

沈歸愚宗伯夫子之門公旋患噎致仕余兄弟每歲必數  
次至吳携詩文就正過木瀆之舊第升教忠之新堂捧袂  
振衣二十年如一日也已巳庚午間公大為延譽令門下  
士締交故余與禮堂辛相識面最早在甲戌同榜之前余  
鄉會房師竝公戊辰所取士公不令稱小門生已卯集明  
賢句書聯贈先君子云禹糧堯韭庭前藹孔思周情案上  
書庚辰寄題余著書齋云虞鄉著書緣窮愁斯言感憤實  
謬悠著書闡明天人理豈因牢落方勤搜君家結廬瀕滄  
海眼界胸襟足魁壘大廷對策旋歸來穿穴書林仍不改  
枕經昨史同飲食中正和平豈奇僻更讀人間未見書內

外逆書竝紬繹。一心直欲窮千秋。醞釀畋獵供擘畫。高齋  
竟日寂無聲。仰向奎梁神貊貊。經術經世尊所聞。他時出  
政康編民。不為法吏為循吏。真讀書人能活人。我詩鈔餘  
集卷四  
丙戌正月先兄計偕北上。余赴選隨行。復同晉謁公時年  
九十有四。以後不復相見矣。

辛未七月余南歸卧病。壬申五月始能強起於床。癸酉正  
月至吳公出。辛未小除夜。

御製詩序手卷命觀。背誦如流。至遠陶鑄乎李杜近伯仲  
乎高王及歸愚。更於近代詩家視青邱漁洋殆有過之無  
不及者。故樂為之序。數句歡欣舞蹈作曠世金石聲。蓋臣



下私集蒙

恩賜序實古今所未有宜公之感激至斯也黃崑圃先生  
祝八秩詩云

聖序新頒寵孰齊。翻憐申伏祇卑棲。文章學海窮巔際。鶴  
性松身重品題。錫命三章同謬國。著書千古埒昌黎。從茲  
上壽稱平格。歲歲天書下紫泥。

宗伯晚年榮遇亘古所無吳中播為美談海內誇為盛事  
待人和藹一出於誠見後輩詩文或有難字及用典微僻  
必詳問出處然後細加品評與董浦草廬兩先生氣象迥  
別也余論詩絕句云振衣請業憶平生。說項徒慙徒履迎。

杭。叟。真。狂。諸。叟。猶。鱗。門。一。老。是。中。行。

錢文端太夫子庚午初見於京邸已丑再見於禾城書來  
有云去歲孫女許字令兄次息廿年通家友誼重以婚姻  
矣。紙尾絕句云爆竹聲中景物殊。老人最後飲屠蘇。遙知  
獻歲多如意。為寄竹根如意圖。公位望尊崇而風致瀟灑  
如此信乎壽登文潞國而詩壓陸劍南也。  
新建裴文達公庚午座主也。余受知最深。感恩最摯。有筆  
墨所不能罄者。甲戌榜下同蘭泉歸班。公大為搯擊。丁丑  
南巡獻賦。蘭泉得中書而余以韻誤田字為由不錄。閱卷  
蔣文恪公秦文恭公皆深惋惜。公時扈。

駕不至杭州貽書寄慰迨丙戌筮仕粵西得以徑行已意  
稱為廉吏修梧郡志方能勉治歸裝皆公賜也壬辰公卒  
後檢篋中得公遺墨感賦云自我與師別咸陽忽七更客  
到傳遠訃夢裏魂頻驚俄聞此言信懷疑尚屏營篋中見  
遺墨公感粵西道遠手札令至南昌里第商附便舟不覺淚從橫且憶臨行訓公別訓諭諄諄且云贈子無他語努力加餐飯慎保千金軀而已悲感良交并人生非木石  
能無哭失聲吾師事

聖主侍從登公卿三十餘年來四海仰耆英文章與政事  
已垂千秋名不朽復何憾死哀由生榮所痛泰山頽心喪  
遍門生吟望空嗚咽聊以抒寸情

余在文達公門下凡江右名士如彭參知雲相蔣太史心  
餘盧宮詹端臣輩皆識之尤與超然世兄麟契厚故知公  
家事最悉嘗見袁子才收集中有公墓誌銘乃其所自作  
戴東原震集中亦有公墓誌銘注云代未知代何人作袁  
但言政績戴止叙官階其於內行之淳備才學之淵源竝  
未能詳殊嫌疎畧也公字叔度號諾率一號漫士給諫公  
幼子行五早歲而孤事生母王太夫人純孝時諸兄嫡出  
各分門戶太夫人茹荼集蓼撫育成立公穎異絕世早負  
盛名年未弱冠連舉優行宏詞兩科江右咸重太夫人之  
母教焉公既貴友愛諸兄不以前事介意兄姪亦皆感動

雍睦無間言太夫人頤而樂之以為克承先志也太夫人  
稟性畏熱冬月不用熏鑪見北方煤炕輒頭目眩暈故每  
遇天寒凡衣被等物公與熊夫人以手熨暖以進日以為  
常其孝養大率如此公博覽群書下筆千言立就文疎古  
條暢參秦漢韓歐詩典麗高秀魚少陵蘇黃制藝醇雅簡  
勁具陳文章羅之長書法豐腴圓潤出入東坡南宮間嘗  
奉

旨續張即之所書經幾無以辨也公不欲以文人自命留  
心經濟之學於一切典章制度田賦水利兵防刑律之類  
莫不瞭如指掌實可見諸施行然平生內任之日多猶未

竟其大用矣。公卒後相傳為燕子磯江神。禱者輒應。顧晴沙光旭。詩云：「爐香燭影曉猶紅。」稽首陳情語未終。試看靈旂微颺處。春江已借一帆風。然余謂公之神在天下者。如水之在地中。無所往而不在。何得定指為江神也。

勞維城字宗器 乾隆丙戌至都。座主武進錢文敏公方奉

号知庵又号稼軒武進人乾隆

乙丑狀元

部山水氣暈

沉厚得力於

重却遠康熙

庚子生乾隆

壬辰卒年五

十三福文敏

也。又言軟紅塵土中除子外無一人可譚此事者。與子劇

譚心地為之開與辛楣亦通翰林但知推廣顧亭林之說  
益加博引繁稱不溯其源而沿其流彌令人懊悶耳公一  
日餘後以宣德箋畫山水小幀題詩云夏山滴翠影微茫  
窓外疎桐百尺長。箇是幽人讀書處更無煩暑只風涼。畫  
畢授余笑曰我畫不易得耶酬子譚韻之勞公一門並姻  
風雅頌椒詠絮舉世艷稱爾時所見頗多惜不能記矣  
座主介野園夫子家世戚晚幼擅才名早入詞垣海登鄉  
貳前後衡文十次最稱得人乾隆壬午三月扈  
蹕來杭州館饗水閣召余夜話有相見上京之約公是夏  
卒於途丙戌入都拜見師母施太夫人靖海侯襄壯公孫

女公伯子任佐領仲叔讀書家塾余有因到師門增感舊  
郎君相對痛如何之句師母出公遺集欲余校錄惜匆匆  
南歸至今念及未嘗不自媿荒莊也近讀

熙朝雅頌集敬題云回憶南來面命諄酒闌惜別聖湖濱。

驚心五月臺莊訃。此日吟詩倍愴神。介野園夫子壬午隨  
駕回鑾卒於臺

莊照眼琳琅妙絕倫。清辭麗句一時新。自憐閉戶知交少。

識面無過十數人。梁中樞文端太夫子何文勤太夫子留  
松角太夫子皆所親炙童子試時受知

於鄂簡亭先生外此季薦青微君鮑辛浦別駕裨斯齊  
觀蔡秦復山太守及阿雨齋子燕庭富竹亭同年而已

乾隆丙戌余往粵西桐城張樊川夫子書出宰山水縣讀

書松桂林對聯為贈又賦七律二首僅記天與清風先入



座人如滿月。恰當樓一聯。戊子余歸家常通音問。辛卯為  
余序。夫不集庚子以大司成致仕。丙午壽八十又二年而  
卒。癸卯余有寄懷詩四首錄其二云。絳帳睽離十八年。童  
顏白髮羨神仙。書來言及小世兄已讀書矣。却思槐市談經樂。何似歸  
耕下潁田。龍眠浮渡兩名山。都入耆英杖屨間。屈指三年  
開九袞。此心早逐奉觴班。

乾隆癸酉四月余謁安邑宋半塘夫子於郵署。食奉化江  
珧柱。觀范氏天一閣藏書。有詩紀之。時野栢太夫子迎養  
署中。太夫子以少鴻臚致仕家居。講明理學。晚年撰憶往  
編。即年譜也。是年云。癸酉五十九歲。海寧周春來問學。余載

宋孫淳山西安  
邑人乾隆丙午  
順天孝廉司釋  
隰州山水蒼秀  
舊潤

臨別五夫子戊寅遷南雄郡倅癸未告養已亥年五十有  
古一篇夫子精說文之學所著書未刊行已刊者尚書考  
六而卒夫子精說文之學所著書未刊行已刊者尚書考  
證四卷蓋不信古文尚書者也世兄孫淳字帥初號芝山  
以孝廉官廣文壯歲棄官遨遊庚子主余家者半月為余  
作畫甚多嗣後足迹遍東南晚携妾僑寓刊上不復歸晉  
湖海間莫不知有宋芝山也

先兄壬辰試禮闈房考長沙雲房劉公呈薦已定擬元為  
總裁所抑公惋惜備至先兄歿後兩亡姪彥國彥曾復荷  
深恩嘉慶丁巳公以少宗伯視學江蘇為余序杜詩雙疊  
韻譜余以詩寄謝云南嶽清淑鍾瀟湘為洙泗大賢間代

出。纂寓瞻國器。家學青藜光。通經石渠議。丹鳳翔郊雲。才  
名高中秘。寅清作秩宗。書筭徵故事。江左重衡文。群頌皇  
華使。冰壺貯皎潔。玉尺量溫粹。壽沙一星明。奎躔同呈瑞。  
佇見卜金甌。峻秩三台位。漢傳繼彭城。唐表增十二。率夔  
敷業崇。蒼生盡沾賜。猶憶執徐年。伯氏禮闈試。感荷矜昧  
恩。吹埴餘涕淚。夙昔仰韓門。常懷負笈志。神馳君山巔。堂  
開浮遠翠。臨風祝瓣香。敢道平生意。公位望彌尊。而令原  
銜感之私。媿未報也。

耄餘詩話卷之二

乾隆己巳邑侯劉公守成季試詩題七月桂余有蒲林黃  
雪飄殘暑半枕濃香試早秋之句杭董浦先生見而賞之  
相知由此始也時先生總修海塘通志寓水仙閣下余得  
不時就正嗣後庚午迄乙酉十六年之詩皆先生所點定  
也先生遊嶺南以集見寄余題絕句三首云通儒餘事屬  
詩才。尺幅從教萬卷該。想見羅浮雙絳崖。吟窓暢舞為公  
來。詩法須參最上乘。南園舊社見重興。荔枝三百同桃李  
坡老當年得未曾。乍披薇紵快風涼。聽蟬聲到夕陽。賴  
此卧遊詩卷裏。燒殘一瓣海南香。先生遊廣陵余以詩寄

懷云先生半載揚州住。旗亭唱過驚人句。芍藥之譜。瓊花賦。陳根淨掃天葩露。青蓮玉句來何暮。滾滾錢刀不吟顧。黃金却把諸生鑄。去時霄雪尚四布。銀潢案戶今如注。高齋絕少纖塵污。撲緣不到清風度。閑拂桃笙衣戰屨。暮奩欲啓浮香炷。遙知消夏多佳趣。十賚文中仙福具。底須跨鶴凌烟霧。家山一抹情霞護。望遠愁隔江心樹。準擬紅船挂颿渡。重尋醉翁栽柳處。坐對飛雲來北固。勝遊倘許陪杖屨。強飲肯教竟入務。世間萬事總僑寓。明月珠簾吾無慕。惟餘結習耽墳素。蒼蠅驥尾常相附。流俗那知得其故。先生極稱此詩手。錄入投贈詩文中。戊子自粵西歸後每

至會城必進許衙之卷、登道古之堂、觀棟架之書、聆驚筵  
之論、時先生正編次詩文集及刻續方言等七種、越六年  
而先生歸道山矣、嘉慶戊午先生哲嗣茂才賓仁刻詞科  
掌錄餘話告竣、屬余校讐并索作序、余遲謝未遑而茂才  
亦旋即下世、俯仰五十年間、曷勝淒惋。

董浦先生拙於書、然饒有古意、嘗云爾輩書學鍾王、不過  
魏晉我書乃三代秦漢也、余每得先生手書、輒裝潢藏弄  
之、先生胸襟灑落、光明議論、高曠透快、遇才士貧乏者必  
禮遇有加、若子雲所謂蛟蚊則害、斥不留餘地矣、先生之弟  
孝廉世馨字奕文、品亦拔俗、素簡齋牧、輒先生詩云橫衡

一世談天口生就千秋數典才萬卷堆中碁局響三貂座上縕袍來誦此四句恍然如見先生矣

庚午余計偕入都寓米市衙前諸草廬先生寓撫臨會館朝夕過從甚密譚藝每至夜分次年余下第歸先生題余讀書圖云周郎失意欲南還心逐青松翠靄間擬借一帆圖畫裏來尋硯石讀書山甲戌余不得入詞館先生疊前韻送之曰得意仍同失意還歸心先上白雲間草堂他日添惇史免使移文到北山先生尋以宮贊乞休歸丙子為先君子序周氏本支譜余同先兄謝之晨櫂小舟至莫家灣謝畢辭出先生極力挽留令聳范君成遣僕入市買禾

官以詩索和旋介門人錢馥屬余校經典釋文適以事不  
果癸丑余思得殿版考證一觀錢生曰抱經先生所有  
即行轉借學士手校是書朱筆蠅頭小楷點畫悉依說文  
每卷尾詳記日月余嘆服其讀書精細用力如此之勤自  
媿勿如不覺心折先是余不校經典釋文學士別託某校  
某無知妄作余致書詳論之學士悵不得余校余亦悔不  
為之校也是年嘉平月學士序余杜詩雙聲疊韻譜甲寅  
正月余寄詩云我聞古名儒年齡天所佑漢有伏生轅固  
生與杜子春同高壽此皆典籍資英華乃知服食之說何  
其謬東南一老范陽公四部七錄羅心胸湖光山色霑化



雨。

掌教紫陽書院

矍鑠群誇綠髮翁。先生寓杭家餘姚。著書壽世

壽益高。即今耆英會首七十九。尚友黃綺攀松喬。夙昔山

斗常仰止。汗流走僊籍。疑似使常買棹具一瓶。時方從先生借書

年年立雪從此始。次年學士壽八十卒於常州。

同年王西莊光祿同受業文憲公門下。故深相契合。為余

序爾雅補注書止四卷。余因其言增訂為三十卷。改名廣

疏。嘗以閉戶著書圖索題。余題詩云。東瀕滄海岡嶢嶸。靈

秀昔鍾四先生。練川二老今齊名。謂西莊光祿與竹汀宮詹儒林文苑

皆合并。清卿移居亞字城。閉戶著書歲月更。七堰八門六

十坊中推耆英。君不開濟南伏口。授尚書讀。又不聞綬氏

杜周官精訓詁。通經往往登上壽。况兼諸史言尤富。包羅  
子集無挂漏。壓倒元美追伯厚。一卷應須添一年。數百卷  
直同彭錢披圖福。地開琅嬛雙松礪。研藤花懸掘麟角。管  
唐丹紹共羨方瞳綠。髮蓬萊仙。我亦獲甌滿家空自憐。安  
得如公一時紙。貴千秋傳。壬子光祿年七十。余以天台萬  
年藤杖賦詩二首為壽。有萬卷讀書陶勝力。千峯講學湛  
甘泉之句。光祿書來云。陶勝力是陶宏景否。繫於緇閱。尚  
未考也。余答書云。詩句不工。只是祝八十九十耳。  
余有著書齋圖。前輩及名人題詠甚多。乾隆癸丑。書室被  
偷。同唐甄失去。時墨荔瓊院吳某。縱盜橫行也。西莊光祿

詩後寄。未經裝入。獨存詩云。一角猿。地此卜居。水雲三面。  
繞精廬。松濤竹籜。交深幌不為窮愁。自著書。愛錢愛馬。並  
成貧。傳癖書淫性。獨耽世味。總輸黃妳。美先生此段。孰分。  
甘。經史研覃。疊刺藤詩歌餘技。亦峻嶒儒林文苑。分途久。  
今日。魚長健者。能寂寂。雙扉中有人。丹黃脫手。幾番新載。  
醪祛惑。尋常事。俗客何從一問津。曲江讌罷。放歸船。零雨。  
飛蓬。四十年。差喜退閑成。二老披圖。瘦骨故飄然。丹砂訪。  
得念荷衣。桂海歸來。硯不肥。副在名山。供眼飽。何妨仰坐。  
忍調饑。公但怡情。自寫陶都。頗誇許出同袍。每於廣坐。逢。  
入說著述。無如我榜。高自笑。顧唐盲老公。今年稍幸。復清。

瞳。待。看。四。部。編。成。後。理。樞。相。尋。橫。浦。東。光。祿。三。載。失。明。是。  
夏。巖。電。如。舊。有。詩。志。喜。故。第。八。首。云。

同。年。錢。官。詹。竹。汀。先。生。先。兄。乙。酉。座。主。長。余。一。歲。以。師。友。  
之。間。事。之。先。生。七。十。余。以。詩。祝。壽。第。四。首。云。衆。仙。猶。記。詠。  
霓。裳。又。列。璵。璣。弟。子。行。者。是。也。先。生。初。惑。於。小。阮。猷。之。玷。  
縱。送。之。說。以。同。出。聲。同。收。聲。者。為。雙。般。又。謂。疊。韻。在。四。聲。  
之。前。雙。般。在。字。母。之。前。與。余。論。竝。不。合。庚。戌。二。月。索。余。悉。  
曇。真。論。半。年。後。寄。還。手。題。嘉。定。錢。某。借。讀。一。過。且。致。書。云。  
今。方。知。韻。學。不。易。先。生。從。此。潛。心。細。參。字。母。觀。所。著。養。新。  
恒。言。兩。錄。已。什。得。其。八。九。但。尚。未。能。透。頂。悟。徹。正。欲。與。先。

生暢論之而癸亥冬訃至矣先是嘉慶丁巳冬聞西莊訃  
作詩云齊年知我莫如公四十餘年轉瞬中揮麈譚經疑  
立異余信古發函論史本從同十七史商榷等身共有千  
秋業閱世曾無百歲翁燈火青熒宵耿耿那堪老淚灑西  
風及聞先生訃復作詩云三秋聞說病侵尋凶耗俄來自  
武林千古足傳名已大一年已長痛尤深何時徐禪重磨  
鏡此日俞牙已弛琴太息西莊厄辰已又遲七載到於今  
痛老成之凋謝憐同調之無多既悼二公亦行自悼也  
余與蘭泉少冠同年久不通問近聞在省作札寄之少冠  
以詩箋見贈云宦海抽身早家山樂事便追思年少日同

上大羅天。白社尊人。瑞丹砂養地仙。別來蒙記憶。珍重惠  
長牋。聞說鳴琴地。循良見古風。懸轡閑吏卒。駢篠走兒童。  
彭澤歸真早。桐鄉澤未窮。清和今始屆。杖屨夕陽中。余答  
詩云。遠將方曲寄。入手竹花涼。鴻去詩篇好。吟來意味長。  
故人情覺重。衰老感難忘。差喜七旬外。同年體各強。勲業  
凌烟上。歸田羨景疏。卅年分出處。三立敢相如。寂寞聊開  
卷。窮愁只著書。神馳松嶺畔。自笑媿莊樗。蘭泉選湖海詩  
傳。成於嘉慶癸亥。內甲戌同年二十二人存者三人。迨乙  
丑刻竣。則曉嵐參政。竹汀少詹。並下世。惟僕一人在矣。展  
閱之餘。慨然有作云。二十三科前進士。詩中二十二人俱

白頭龍種留殘叟。絳闕宮亭失大巫。豪氣未除天下健。微名猶戀域中愚。長吟嘆逝情何限。辜負丹青妙覺圖。

甲戌同年朱竹君號美叔其先浙之蕭山人年文雍正間官盤屋令後占籍大興竹君弟石君號南厓先於戊辰入

詞館升侍講矣一時才名籍甚都人士莫不稱朱五先生

朱六先生

尚有行四名垣字仲石嘉興同年賀牧堂基翠

與二君同受業於朱鉅堂乾之門還往最密余亦時相遇

從是年出都時竹君賦七律二首送牧堂及余行猶記離

聲四鳥忽分完之句石君體羸善病竹君友愛甚篤每客

至戒勿令知恐其劇譚過勞鼻衄復作也竹君年僅五十

而卒石君駁踐中外再入翰林丁未視學浙江觀風以擬  
江式求撰集古來文字表錢越王鐵券歌東海氣如圓鑿  
賦命題亡兒壽親字雲孫號忠泉首取受知次年游泮賦  
尤典與文場傳誦之己酉任滿來寧閱塘余謁謝於陳園  
行館見其魁梧豐碩非復舊時清臞矣

庚午同年趙甌北喜余雙聲疊韻之說見余杜詩雙聲疊  
韻譜括略題五古一首手錄稿以寄即續刻詩鈔余以詩  
謝云憶昔識君初師門同侍坐新建袁文達公迨後官粵西邂逅  
停輕舸君之慶遠守任別逾三十載年光敲石火昨得和甫書謂  
堂餘論曾及我雙聲疊韻難題詩許我可此事成絕學自



信精亦頗。誰將玉鑰匙。開却青銅鎖。短章還寄君。遙答雲

五朵。妙義竟何如。無味醍醐果。祝趾堂德麟亦篤信余說

所著悅親樓詩集。屬余詳核。悉改定焉。

甲戌榜下。挑選余與紀曉嵐王蘭泉二公。竝不預曉嵐因

史文靖力薦。補挑曉嵐語最詼諧。自謂不祧之祖。記憶猶

如昨也。嘉慶甲子正月。曉嵐以大宗伯拜參知。不一月而

卒。聞之得詩三首。云丹墀鵠立待挑時。共聽詼諧共解頤。

五十二年如夢裏。果然身到鳳凰池。雲泥路隔敢同論。回

首平生敵帚存。我有三書音學公四部。灤陽清夏錄挑西

也妄言藝文他日各分門。雁塔朱書事偶然。優游林下羨蘭

泉。晚歲蘭泉竝年八十有二但祈我得二公壽。敢影柴門尚五年。

四庫全書。采近時人著述甚少。通計不過十餘人。而余甲

戌同榜得三人焉。顧古湫鎮姜白巖。廂章范蘅洲。家相。皆

曉嵐先生力也。尤可異者。三人二甲聯名。姜第十。顧十一。

范十二。其書著錄亦相聯。顧有虞東學詩十二卷。姜有詩

序補義二十四卷。范有詩譜二十卷。同時仰屋著書。不知

凡幾。而三人得列金匱石室之藏。豈非幸乎。就中蘅洲為

最幸。古湫白巖竝前輩樸學。當之無愧色也。西莊詩云。每

於廣坐逢人說。著述無如我榜高。信然。

方伯謝蘓潭先生以所著西魏書六冊。樹經堂詠史詩二

冊寄贈索觀余舊著遼詩話題絕句二十四首補詠史之  
闕刻蓬齋軒集中先生在新每有新刻必行寄贈廣經義  
考采及拙著後擢撫粵西余以詩送行有云此是庚桑尸  
祝地望公拂拭到羅池謂余曾宰岑溪有三賢祠制府孫  
補山士穀題額邑令高密李少鶴憲喬撰記三賢者劉公  
信嘉于公烜及余也二公初無祠主寄傳忠烈祠內余奉  
諱歸里不受聘儀士民因構屋三楹於常寧墟為專祠後  
于公令嗣典視學粵西別創建於上化鄉規模宏麗像設  
莊嚴共費五千金此乾隆甲辰年事

素簡齋之歿也蘇潭方伯聞之作哀散仙詩幕中輒未能

解鈔以寄余。因亦作一首云。輕薄文章論最公。才名却擅出群雄。孤高敢望林和靖。快活真如李笠翁。晚歲門徒巾幗盛。平生口腹食單豐。自憐曾被山膏詈。佳句長吟思不窮。簡齋續詩話。曾詆拙著杜詩雙聲疊韻譜。故有第七句云。方伯見之曰。松霽解也。

方伯云。余江右人。而不言地理。今官于杭。而知風水之說。亦復有之。好刻書之鮑以文。廷博。迺胡文煥之後身也。工詩文之袁子才。枚。真李漁之嫡派也。名論不刊。洵驚兩人之知己矣。

介休梁確軒。余酒。錫璵。嗜讀易。日玩一卦。周而復始。如是。

者三十年乾隆辛未保舉經學授國子司業所著易經挨  
一派翰林中書各二十員繕寫一時榮之祭酒姪恒齋  
與余雅契令其子啓泰從學以俟一十冊為贄恒齋工詩  
文書學閣帖嘗書壽萱兩大字為先慈壽余賦詩謝之其  
第二首云擎窠兩字重琳琅新製鸞綾巨幃裝朱萼絳趺  
榮寸草銀鈎鐵畫照高堂導與子舍歡何極舞綵官衙樂  
未央行見起居公八座共期百歲進瑤觴太夫人壽開八  
表迎養器中改

云恒齋初字嘉善以庶能著戊子擢東海防同知

乾隆乙亥丙子間先兄手輯舊五代史鈔上冊卷一梁卷  
二卷三唐下冊卷四晉卷五漢卷六周丁丑之秋下冊燬

於火殘闕不全乙酉計偕北上携余同行遇邵二雲晉涵  
於山左旅店道及此書時竝未知永樂大典中所有也又  
及余爾雅補注四卷因西莊言增訂廣疏三十卷二雲之  
用力於兩書實自先兄發之今二雲爾雅正義早已刊行  
舊五代史復為經

進之書列於二十四史而先兄所輯世無知者展閱再三  
不禁老淚漬紙也吳槎客爲題詩四首錄其二云辛苦遺  
珠滄海探劫灰底事到枯蟬而今恰似歐陽稿好配廷珪  
墨半函溝里沙陀戰血腥水天閑話散如星阿誰為報青  
門客補史元來別有亭自注姚江邵與桐太史從永樂大

典補輯舊五代史比較此書頗多桂漏

耄餘詩話卷之三

嘉慶癸亥中丞儀徵阮公入

覲余送行詩四首云名宦芳徽溯百年

高安朱文公武進趙

毅遠隨肩公來與昔稱三傑唐後從今得六賢謂鄒侯青

白叟黃童歡匝地綠幢紅旆喜朝

天。遙歸快慰蒼生望。卿月趨瞻兩度圓。用新綽綽吉金辭。

願祝期頤進壽卮。家慶偶教違子舍。

國恩行見拜丹墀。彤盧弓矢添年算。袞繡衣裳介福禧。

三接殊恩傳海寓。便將韓奕補笙詩。東西兩浙盡詭吟。比

屋安瀾到海潯。述職定為天下最。銜恩尤覺此邦深。太平



隄上。千花豔。都尉城邊。萬柳陰。賢序更欣霑教澤。傾陽齊  
抱鳳。葵心。昂台地。望仰夔龍。儒相金甌指。願脩他日。勲名  
文潞國。此時經術。鄭司農。群山都向青高附。百谷咸趨碧  
海宗。相約九秋。迎節鉞。西湖開遍錦芙蓉。公稱此詩。冲和  
諧雅。媲美唐賢。余深媿斯言也。公序余十三經音畧及小  
學餘論二書。賦詩志謝。載集中。茲不錄。

中丞雲臺先生。胸羅四庫。筆掃千軍。萃夾漈深寧。貴與之  
長。擅昌黎眉山劍南之勝。合漢唐宋而為一。麗藻洪才。貫  
天地人。以魚三通。儒碩學。宜其遭逢。

聖主登朝。四載驟晉。崇階稽古之榮。罕有倫比。迺復憐才。

愛士收錄片長宏獎風流覺漫堂不足道矣竊謂公生平  
大節在不奪情。洵晚近之所稀。李安溪尚多遺議。非史冊  
之易覲。張始興未能固辭。公政績悉數難終最大者莫如  
賑濟清獻治越。鄭公治青。全活百萬生靈。前後實堪鼎足。  
嘉慶乙丑七月丁外艱。歸三載以來。閉門讀禮。德望彌高。  
兩浙十一郡士民莫不與福星之福重。泣也。戊辰三月公再  
撫浙江。余以詩寄迎。曰千秋高節孰能攀。伊呂由來伯仲  
間。唐相曲江猶有憾。獨懸忠孝照區寰。敬歷卿班。  
天眷優。旋聞受鉞按中州。梁園到處稱明允。駢竹爭迎郭  
細侯。兩浙重逢福曜臨。蒼生翹企憶恩深。三年久廢莪蒿

句。一。夕。先。傳。袞。繡。吟。甘。雨。和。風。惠。此。方。農。歌。于。野。士。歌。宰。  
萬。間。廣。廈。尤。銜。感。寒。士。歎。顏。話。試。場。功。名。群。羨。黑。頭。公。勲。  
德。彌。尊。望。益。崇。行。見。孫。盧。都。掃。盪。烽。烟。永。息。浪。花。中。施。濟。  
開。倉。慶。吏。生。趙。公。賑。越。富。公。清。青。應。知。三。郡。遺。黎。衆。萬。落。千。  
村。頌。百。齡。詭。恩。早。遍。武。林。城。此。日。軒。車。滿。路。迎。山。色。湖。光。  
還。似。舊。禽。魚。草。樹。盡。光。榮。東。西。連。接。漲。沙。塗。無。役。波。潮。向。  
北。趨。海。若。亦。欽。台。鼎。重。安。瀾。效。順。作。前。驅。桑。柘。陰。中。桃。李。  
蹊。游。人。攜。手。太。平。隄。韶。光。直。與。恩。光。接。海。上。遙。看。紫。氣。齊。  
十。載。常。叨。特。達。知。如。霑。祠。祿。擁。華。比。自。憐。晚。景。悲。涼。甚。述。  
德。抒。情。賦。小。詩。

嘉慶壬戌冬日中丞阮公親課安瀾書院酌定章程延余  
掌教余有紀事七律四首癸亥二月朔日開課余有即事  
五律四首竝已刻箋一時頗多屬和戊辰余年八十小峴  
少冠以五古四十五韻寄祝有云安瀾開講席多士荷陶  
甄談經擁準比子衿來僊僊重使甲第盛席上羅群珍門  
人陳庶常傳經和云後進競捧袂大雅憑扶輪閉門萬卷  
擁操筆片善甄論古夏侯湛積學鮮于僊皆指此也

中丞課士不專用排律癸亥秋課題鎮海塔七律不限韻  
七古亦可余出金帶圍歌修川競渡曲竝七古不限韻佳  
詩頗多而以陳增為最甲子中丞甄別題賦得出門一笑

大江橫得仙字秋課賦得秋蘭得騷字場中不得題解余  
擬作以示諸生九月朔課余出鹿鳴宴用東坡韻陳增疊  
韵四首亦佳增六歲能詩才氣縱橫足以推倒流輩丁卯  
正月客遊揚州以行卷就正於公公大加賞識錄其詩入  
瀛洲舟筆譚增字方川號月樺與傳經字學初號晴巖竝丙  
齋少司寇之後

嘉慶丁巳余得交秦小峴少寇十餘年來公數歷中外聚  
散不常而唱酬之作甚多各有集不具錄仿張為主客圖  
畧摘數句觀者可見一斑也終夜桔槔響蓬窓微露侵幌  
持巡海節不盡憫農心海昌舟夜我慙名宦湯荆峴君似高人

徐竢齋

海昌行館東松雪

樂應忘老至貧不為生謀著述五千卷

逍遙七十秋

生與蘇同月庚先三日前

十一月十六日才子名超

騷諸生慶集鱣

壽松雪七

嶺梅香雪散紅樹暮雲平終擬

還初服知君招隱情

次松雪

此公詩也士仰品同喬嶽峻

人欽心比惠泉清

卓送秦觀

入都論使桓寬先閣筆文教陸贄

亦低頭

方建清觀之

議時頭白難忘知己感汗青易負等身

憐闕心遊子辭家後

曾同行

轉盼蟾光兩度圓

送余庶觀宦情澹似李成筆歸思濃於張翰林杯鵬本何心迎遠渚

鶴曾相識到幽扉

和告歸述

此余詩也其餘五七言長篇

如公題岑溪三賢祠圖及余寄賀兩首竝不載

無錫王妙聞宮江南庚午同年也官達州州同依小峴先

生署中以詩見投余答云有以少為貴同年胡不然姓名

書淡墨款折記祥年案寓十五國其數殆逾千屈指會面難什

伯僅三四焉迄今五十載落落晨星懸憶見秦淮海得

聞琅邪賢牽絲赴巴蜀知幾早歸田西川有杜鵑東川無

杜鵑不覩潢池弄超然地行仙頻來遊武林愛結山水緣

江南自君外尚有姚姬傳吾浙自僕外尚有趙泉庵北榜

惟甌北盛名尤翩翩遭逢致不一老壽夭均憐吟詩美健

筆想見篋中篇承題先譜誼愈珍重辭意何纏綿願言泛

輕羅觀潮過海濡風流成二老重開耆英筵此詩先生極

喜之謂其音節入古

嘉慶戊午余掌教海鹽名其詩為觀鄉草自撰小序云越絕書云海鹽縣始為武原鄉又云觀鄉北有武原今海鹽觀此則觀鄉武原皆即海鹽也今人但知有武原而不復知有觀鄉矣茲以觀鄉名其詩俾世人知海鹽之為觀鄉者自余始小峴先生題詩云浙西老宿傳經叟七十年来醫乍蒼海上舉比看獨擁觀鄉即是武原鄉

袁子才詩話云張翰詩黃花如散金菜花也通首皆言春景宋真宗出此題舉子誤以為菊乃被放黜子才此說大謬也案吳虎臣能改齋漫錄云袁州自國初時解額以十



三人為率。仁宗時。查拱之郎中知郡日。因秋試進士以黃  
花如散金為詩題。蓋取文選詩青條若總翠黃花如散金  
也。舉子多以秋景賦之。惟六人不失詩意。由是只解六人  
後遂為額。子才既不知太白所云張翰黃華句。風流五百  
年。而於此事又作模糊影響之譚。最為可笑。且黃華不必  
定指菜花。不過春花之黃者。如唐棣之類。而菜花亦在其  
中也。紀曉嵐我法集亦云。南宋試士誤與子才同。癸亥三  
月朔課。以此命題。因詳示諸生。

吳稷堂先生於乾隆丁未戊申間。曾介內弟許西鶴奎寄  
贈十國宮詞。竝索拙刻。余以初刻六種皆少作。悉行改訂。

復之近見先生所輯藝海珠塵採余中文孝經孝經外傳  
入甲集則六種之一也丁集復採海潮說三篇心甚感之  
嘉慶丁卯三月先生來寧過訪以河源紀畧承脩稿續通  
志謚畧急就篇姓氏補注諸書見投余舟次報謝呈音學  
三書一部旋即解維為之悵悵先生丙寅五月七日壽辰  
庚午病卒年七十有四二十餘年文字之交而長別於光  
華亭橋之一面俯仰身世曷禁慨嘆

乾隆庚午冬識常塗曹鱗書洛裡於都門君年八十有三  
雍正己酉孝廉官國子助教余年二十有二以己酉生結  
忘年之交訂金蘭之譜君自言五十歲時卧床不起者六

七載妻子俱逝孑然一身後病稍愈棄家遊黃山遇異人  
飲以百花酒頓覺精神煥發強壯如少年歸而應試登科  
續娶連舉五丈夫子皆六十歲以後事君雙眸炯炯鬚髮  
純黑健啗過人日可行五六十里人皆謂所遇之真仙也  
迨甲戌余再入都則君以年逾八十蒙

恩特授司業既而余南還君改翰林選學士戊寅冬乞休  
壬午三月余獻賦武林遇君孤山之蘆策馬疾馳見余急  
躍下馬趨捷輕便相與班荆道故知其接

駕來杭匆匆別去此後不復見矣君善畫山水學王蘆臺  
司農余藏有小冊十二幅題詩亦佳茲錄六首云柳外山

環翠雲深水渺茫。空亭留積霽。小艇住斜陽。山深樓閣迴。  
烟樹老雲根。橋板蒼苔滑。高人晝掩門。雨過嵐光碧。霞橫  
老樹間。危亭欄虛壁。何路可躋攀。林深山徑迴。結宇在青  
霄。料得孤峯外。晴雲萬里遙。雲冷山深碧。環山三兩家。俗  
塵飛不到。閉戶鎖烟霞。山疊雲連岫。溪涼樹拂陰。垂綸羨  
老叟。並不問升沈。

乾隆戊戌四月於武林錢氏寓中見王南亭侍讀世芳年  
一百十四歲尚能健飯步履如常曾孫五人隨之自述生  
平頗詳幼不讀書好拳勇四十六歲時途遇漁者籃中携  
一金色鯉魚買而放之未幾風雨驟作避雨涼亭下見魚

化為龍空中禮拜而去。自後便覺心地開朗，漸能識字讀書矣。五十八入學，六十三補廩，八十一出貢，九十六得官，九十七進京祝。

壽加六品銜一百七歲，再進京。

特恩授司業，預香山九老之列。又進侍讀，此真入瑞也。曾鱗書洛裡王介眉延年遜之遠矣。侍讀為余姪書一長壽字，索余贈詩。余口占贈之云：百十四齡天下少，香山九老首推公。從今祝壽無他語，千載還期寶掌同。遊庠已過服官年，東鐸期願萬口傳。聞說壯時曾殺賊，英雄投老即神仙。將車持杖曾孫五，太史應占聚德星。染翰手書長壽字。

一時圍擁看南亭。

癸亥秋張雲藻明府青還來權州事。適朱少仙學正文治  
監院少仙工詩。與張船山侍御問陶為詩友。雲藻手書楹  
帖見贈。乃殷彥來所集贈漁洋先生句也。余不敢承走筆  
作五古志謝。雲藻旋任魏塘。丁卯夏從少仙處以校刊周  
禮寄贈余賦絕句五首。謝之錄其二云。嶺南名士浙西宰。  
良吏還教文學并。還羨政成三載日。琴堂愛聽讀書聲。校  
刊善本周官禮。寄我閒窓老眼開。如此風流賢令尹。之江  
能有幾人來。

嘉慶壬戌修川創建義塾發三女堆侵及墓門古甌散出  
吳槎客明經竊過之有感賦詩邀余同作余詩五首并序  
云長安鎮覺王寺後有三女堆即僧惟肅結大界碑所云  
坐古三女墩以建之也墩音近和通載在閩經由來舊  
矣後明季歲饑被盜因而佛殿雄踞其半詳見談氏外志  
許志采之案三國吳志孫權第三女魯育字小虎外志據  
橫浦赤兔銘指為全琮妻大虎者非至後配劉纂之說尤  
誤周循尚主早卒在黃武時大主早寡故黃龍初同小主  
下降若小主配朱據時據年已四十當為繼室後十八年  
而據賜死女為太子妃似無再適之理否則何以始終竝

稱全主朱主而孫休推問朱主死意必謂二子熊損所白  
乎蓋吳大帝自有中女即滕允所尚之主若劉纂寶時  
尚在官終車騎將軍自胡冲而外無言其先尚中女繼室  
小虎者想因大虎醜聲遂致流傳失實後人將裴志所引  
增入正文賴有滕允足以一洗其誣矣又搜神記謂朱主  
埋石子岡當是鹽官營穴迺自石子岡遷來正不必泥於  
令升之書也偶記芷畦石柱記箋釋則景帝之陵且在素  
花而三女之堆更何疑義竹垞開諸近修諒非妄語耳保  
護儲君大義乎一朝被譖痛啼烏珠環玉釧無窮恨欲向  
螺磯問小姑夫婿雲陽拜粉侯廟堂燎鵲話才猷始終不



國志稱金主朱通莫誤全家莫誤劉貞魄長

辭石子岡。鹽官遷穴久。蒼涼棠梨一樹花。開處月下歸來。

錦繡香。散落人間。方尺。旣篆文。髣髴。君鐫盤。門亦發。源。

王墓詩禮重逢七百年松下白雲梅里句獨留紅粉欠菴

詩誰憐兄妹同塵劫尚有靈泉祝仲基柱見鄭元慶石記汪小

海明經非訴諸當事勒碑刻古三女堆四大字以杜再佔

無如土人立於寺中不立牆外恐未能保其將來也

通  
 中  
 成  
 調  
 報  
 應  
 或  
 連

耄餘詩話卷之四

乾隆戊戌送亡兒利親歲試至杭訪朱朗齋文藻於汪氏  
飛鴻堂服其學問淵博與之訂交嗣後書札頻通君亦極  
其傾倒癸丑新正來寧過訪余與同遊陳園君賦七律二  
首時將為濟南之行既而客儀徵阮公學使幕中助撰山  
左金石志公調任浙江助選定兩浙輶軒錄余以詩寄懷  
云三年不見朱遵度腹笥包羅萬卷書杭隔一燈還未墜  
西泠十子果相如著述等身盡足傳篁村詩話賴增編武  
林此日徵文獻能不思君一悵然公出撫我浙輶軒錄方  
行刊刻嘉慶辛酉祀憲日君携輶軒錄贈余展閱之下見

先兄玉井先生暨亡甥張梅屋景筠兒幼圃利親姪筠谷

彥國遺詩竝蒙采入作詩寄朗齋云海內文章伯暫軒兩

浙來諱經超馬鄭作賦壓鄒枚散佚搜羅過幽潛闡發該

夢中爭拜謝洵足慰群才解纜童兒塔匆匆送客舟選詩

高仲武問事賈長頭博雅誰堪匹名通孰與儔武林耆舊

盡杭屬一燈留自抱鵝原病今逾二十年遺書存舊藁先

向輯舊五代史鈔六卷邵二雲留心此書實勝詠得新鵝兄

自先兄發之其時未知永樂大典中所有也先兄

地下應相權人間早共傳計偕中道返隱痛孝廉先兄

赴都至淮安七葉傳家學名儒謝待軒愁中惟補史亡甥

史藝文志八卷吳桂客為之序病後不窺園綽楔元

虛抱經群書拾補全襲其書

病後不窺園綽楔元

力疾為丹黃落筆痕。母請雖經三史陽元兼叔賓太息復何言。

堂開六秋每話弄孫遲。生亡兒生於乙亥八月潮此日悲何

限當年喜可知。編蒲都好學采藻竝能詩。門祚真衰薄雙

凋玉樹枝歲序方闌候。龍鍾嘆此身。壽過長樂老品擬葛

天民只合飾巾待。何猶開卷頻。自憐餘結習欣遇采風新。

再題絕句六首云平昌東鐸詠思親。好補南陔句子新。珍

重遺詩今采入。却教選政屬陳遵。先和集載邑志藝文茲

修選平昌詩鈔後乞先子韶年翰墨場。惜無片紙貯緗囊。

詩評僅有香山集。能使劉馮盡走僵。先君子詩藁煖於丁

選二卷載郡邑志藝文春同先兄謹輯香山詩評一卷祠

城張樊川祭酒夫子撰序謂不減方虛谷而出劉須溪馮

死吟辛齋遺集久烟消。賴有羊欣好事抄。無限身名付磨滅。吟詩何苦費推敲。聞諸先君子曰。陸辛齋詩集多出羊欣。吟詩何苦費推敲。餘有傳鈔餘君名。先瑋工書法。嘗縣試。首名。不得一科。而歿矣。初。白中山尼一篇。到今人為荔裳憐。愚忠此婢真難得。可惜曾無姓氏傳。威秦川袖堂筆評云。荔裳女實不遭辱。時有侍女。挺身代之。濟南教授共道恒農詩學殊。濟陽萊陽周守一字季和言之甚詳。而外更誰如。紛紛耳食譚開寶。未解淵源左郭書。我州詩自查氏外。即推楊詩。人指不勝屈。外叔祖瘦仙先生詩字畫稱三絕。春少時同先兄學詩於先生。先生教以從樂府入手。詩方免俗。近人多仿。蠹簡殘篇。僅衍稀發。密安得盡口。唐音未窺正法。帳藏也。無遺也。知此事由天幸。史志皆然。况選詩。前輩郭星如。燦澄亡友。黃文蔚。炳張翰。章愈未入選。詩弟子張前山。庭君琮。錢廣伯。穀已遲而沈曉園。國器仍遺殆。有章不卒耶。

後助蘭泉輯金石萃編丙寅六月書成而蘭泉卒八月君  
自青浦歸杭相繼而卒余聞其訃為位哭之王偉人學使  
試古學君第一補增廣生朱石君學使試古學君復第一  
補廩膳生以諸生終命也余謂君直接杭厲一燈良非謬  
語而蘭泉欲以馬青湖繼前輩之後豈公論乎。

蔣春雨

元龍

禾中名士也乾隆丁未初冬索畫余作芝蘭

圖贈之題詩云禾中風雅今朱李廿載香名心所欽添寫  
奇芝同臭味蘭言一卷遠披襟君答詩云卅年前已仰光  
霽道阻無由結末契歸來栗里抱遺經漬墨磨丹戶常閉  
偶然仙露霏毫端著書齋中乃餘藝慈心蘭思不可親芝

水湘雲亦何際。忽從良友乞得之。

謂穀林戚兄

秀色勻染一枝

枝。香林芳意已滿幅。齒牙謬假東風吹。其旁添寫金蘭芝。

孤根互保空谷姿。服之長生足療饑。遵海而南神先馳。訂

交逾十年矣。嘉慶丁巳二月過訪試耶律文正公天然硯

題宋刻金仁山尚書表注。匆匆別去。別後以天然硯歌見

寄君詞翰之精。余所心服。戊午夏聞君訃。不然痛悼作存

歿口號。日杭有朱朗齋。未有蔣春雨。兩人我畏友。詩文進

乎古。朗齋好博覽。萬卷胸中儲。窮年常兀兀。今已六十餘。

春雨蕙書畫。八法尤精絕。得者藏棄之。重與香泉瑤。杭禾

多名士。車載而斗量。無出兩人右。輿論漫低昂。富貴無聲

稱零落。隨草木。長留天地間。豈羨庸庸福。蔣以明經老。朱  
尚滯諸生。高才竟不遇。造物殊不平。駕湖客到來。驚傳春  
雨死。年亦六十餘。痛惜何能已。歿者不可作。存者倍可珍。  
執訊寄朗齋。加餐保其身。

余過閩大藏六百餘函。專為字母翻切之學。於禪理未之  
深求。然涉獵之餘。頗皆領畧。惟讀至時非時經。茫然不解。  
吟詩問富陽。單斗南居士。始曰。三脚非時。五脚時。閉窓獨  
坐。費尋思。梧桐葉落。芙蓉老。滿眼寒山。拾得詩。斗南素譚  
禪。答亦不能解也。茲有叩其說者。約畧言之。其法分冬春  
夏而無秋。冬八月十六日起。七脚時。四脚半非時。至十二



月止十一腳時、九腳多四非時、春十二月十六日起、十腳  
時、八腳少三非時、至四月止、四腳時、二腳少一非時、夏四  
月十六日起、三腳時、二腳少四非時、至八月止、六腳時、四  
腳半非時、余作詩時、適當七月、故云三腳非時、五腳時、內  
兄許雪林明經、士元工詩文、精通禪理、不減斗南、當再從  
齊豐借經、我兩人獲閱參悟耳、

吳槎客爲拜經樓詩話引說、苑文王似元年、武王似春王  
周公似正月、以喻詩論頗奇、創因憶乾隆甲子正月杭人  
沈厚田范新刻、

國初文選、內繆壽陽周公成文武之德、題文用此三句、不

知所出有終身北面之評且過致海昌同人時城中素稱博雅者如吳鶴亭錫祿張誠之為儒陳湛斯沅楊書傳時竝不能答先君子出家藏秦漢之書率先兄及余檢閱即日得之作札寄杭厚田田札有皈依濂溪五體投地之語偶憶及之追思一門自相師友之樂不禁黯然

廣獻徵錄庚午歲我宗同舉浙榜者十人座主新建公所以有仇十

日修字叔度

洲之雅譔也

人問公何以中用姓如此之多公笑曰此之謂仇十洲聞者哄堂

辛未四月

新建人乾隆

朔日十人會於解元心羅兄寓別書小錄相約子姓世世

己未進士王邵尚書謚文達

以齒叙各賦詩紀事十人者烈字配三

錢塘天

翼洙字迪

文

嘉善禮同懷兄

天度字心羅

錢塘

澧字芭東

嘉善

之璇字聖期

仁和

培字以升同仁和履陸寬字敬敷和仁履陸字庭賡和仁春字范

兮海寧元滂字漢川陰山是榜同懷兄弟凡五家四周外尚有

汪大榮字晉庭永錫字孝傳錢塘汪孟錫字康古仲鈐字豐

玉秀水陳玉藻字泰宇王敦字受業錢塘亦自來所少可入樂

子正廣卓異記也心羅號讓谷題余讀書圖云松蘿偶儼

才嗜古無不涉網羅妙衆有苞舉富漁獵方其撼堅銳一

往氣道捷迎機或洞要聽笑圓兩齧學成步天衢華行敢

騰蹀吾常叩其談傾倒意彌盤困之詢往年懷袖出所挾

為語勝冠初罕與人事接山茨傍欄阿足音未嘗躡有時

雲窺牖虛室動淦淦長松落青蔭紺綬上眉頰有時風入

簪交暑或忘簪。笙簧奏天籟。雅與墳典協。別來人海中。結  
想夢猶輒。寫圖煩好手。如饑頗思饑。吾聞三嘆所。歲月豈  
容疊。寧惟壯心邁。兼恐塵累浹。收圖卷還吾君。藏弃慎醜惡。  
讀書貴用饒。遠志在神愜。勝踐故云佳。矧寓名山業。

嘉慶丙寅冬亡婦許氏之喪。余彙刻悼亡詩。為墨華館小  
彙一卷。共一百八首。悼亡絕句六十四首。所以代行狀也。  
較漁洋為多。江村為少。而余一生之踪跡。亦畧見其中矣。  
終七之期賦七律八首。有芳巾染澤尼拘類。碧草侵階舜  
若多之句。客問其義。案尼拘類譯無恙。舜若多譯空竝出。  
內典又辨王質紹陶錄栗里年譜。早年失妾之誤。訂東坡

集補遺雜詩二首為悼亡之作。論者謂其說可傳。小峴少  
冠。寄慰詩云。遙聞有淚感西河。痛到鰥魚更若何。焚獨海  
昌餘一老。傷心偏入暮年多。嶺外歸耕下溪田。閨中多羨  
少君賢。百年夫婦終須別。已是齊眉六十年。黃昏微雨畫  
簾垂。燕去雕梁使不歸。十二年前腸斷事。西湖烟月鎖空  
幃。自注。余以乙卯四月在  
杭州。遭亡婦之喪。故云。丁卯夏得少冠書。紙尾系絕句。  
次上年見慰第一首韻。有一語勸來須解脫。吾曹只是累  
情多之句。余感其意。賦解脫吟寄之。云。禪有解脫門。兩字  
未易言。諸佛如蜺斗。六根歸其源。向聞自覺香山心。我今  
灌頂醍醐深。欲飛東坡解脫鳥。來寄淮海解脫吟。

亡兒利親字析源號幼圃弱冠入州學以經解受知於學  
使南昌彭公補增廣生乾隆丙午下第鬱鬱得心疾越七  
年而歿病中盡焚所作詩文無一存者僅搜得試律數首  
及題清明上河圖二首云張著題為張擇端圖成無復到  
臨安夢華追錄同千古留與人間一例看妙繪難從東武  
尋流傳摹本重黃金誰知藝事還堪諫下降仙卿記姓林  
相傳摹本互有詳畧以演世  
臨雜刺者為佳譏靈素也詩采入兩浙輶軒錄  
學使儀徵阮公觀風詩題表忠觀落成詩以誌事兩浙不  
下數千卷刻入詩課者僅七人亡兒壽親預焉旋試高等  
得餼於庠丙寅九月兒病歿余哭之有詩二首并序今錄

其二云宗工賞識浙江傳，  
捐操秋風已有年。方冀千鍾謀  
祿養，便悲一薦謝塵緣。  
兒久困場屋，甲子秋闈出，餘  
姚定致齋，明府薦而不售。  
誦詩漫說杜工部，  
怖病空思桓石虔。  
齋志九原長已矣，  
兒患痰瘧，用早  
服獲苓，遂  
至不起。幾回搔首欲呼天。  
曇華館小藁詩類多愁苦之  
音，此尤不堪卒讀者矣。

三哀詩并序云：余自戊午主講海鹽，至辛酉冬而朱君雲  
仲瑞樓卒。雲仲，鹽之名士，余為悼惜。然四年中一人而已。  
不意我州書院癸亥秋間死亡相繼，悲賢才之殞逝，逝痛  
門戶之彫零。各繫以詩，聊當招些云爾。陳茂才  
傳教字習如，工詩文，魚通  
禪學，將貢  
成均而卒。世系書唐表門才重綺紵，誰知推貴介，却不吳

單寒闢藝文心捷譚禪法界寬所嗟終齋志何日贈方干

沈茂才廷璐字清桂早歲進庠昆弟並有文譽今夏造館魏塘月餘病歸甫抵家而卒共識東陽

沈形容似鶴雁逢時才筆健閱世壯心枯豈料三旬別選

驚一夕徂斜塘風月夜慘澹挂帆蒲姪孫如旋先兄玉井先生長孫大姪

彥國之子字履祥少失怙恃力學能文工楷門祚真衰薄

法補博士弟子員姪年僅二十有文病我傷心十二郎謂次姪如何纔匝歲又復哭孫行質樸風

殊古窮愁氣未揚出門車軸折泉路眼茫茫又族姪孫惟

祺字正欽甲子入學次年不幸溺水死又修川譚承烈字

以首試首名入學將婚而天兩人肄業書院並稱能文

楊生禮初字勝私晚研先生曾孫嘉慶戊午從學于余是



秋卽登副榜。潛心好學。中後館會城詩文益進。惜乙丑夭  
卒。偶檢其詠雁來紅云。巧匠染成紅。卽紫天工幻出葉。為  
花又賦得。誤筆成蠅。得成字五言八韻。有濡毫含意。速舉  
手笑彈。輕撲去看。應訝掠來。認轉驚棲。屏曾有影。落紙却  
無聲之句。並佳。

門人錢馥字廣伯。好說文之學。余授以字母。多所悟入。學  
宗楊園詩。不多作館省中邵氏。與盧抱經及梁耀北杭義  
寓葦葑。見聞日進。生不好為時文。年三十外。卽棄去。不應  
試。嘉慶丁巳。雲臺先生聞其名。令人勸其應試。而生堅不  
肯出。不願一衿也。時頗高之。未幾病卒。年甫四十三。止一

子生家路仲里云

洛溪許堯咨字師錫邑庠生堯佐字際唐改名上舍生亡

婦從兄弟也並有文行師錫娶歸安徐氏名葉昭字堯莊

父諸暨教諭繩甲母王為竹垞先生外孫女學有淵源能

詩文而尤好八大家刻有職思齋古文一卷詩載續輶軒

錄際唐子鏞字名夏諸生世其家學

門人湯步藏字葆初表兄沈城南聲也早歲進庠工詩文

家貧客中州惜年僅三十餘竟以客死身後詩文零落嘗

見其放生池五律一首筆極清老覓稿不得太息久之